

Daxmeh

Dahliz sang 160 lizmij, cix cij miz 80 lai gaen, de gaenq miz boux daeglwg iq ndeu. Daeglwg de maj ndaej gig cangq, ngamq rim 3 bi couh miz 30 geij gaen naek lo, bouxsai fwngz ndeu hix nanz umj hwnjdaeu. Aenvih ndang Dahliz mbouj daiq ndei, riuj saek 10 gaen doxgaiq hix roxnynih dwgrengz, ndigah, daiq daeglwg hwnjroengz laeuz roxnaeuz ok rog bae guhcaemz, cungj dwg bouxgvan umj daeglwg.

Geij ngoenz neix dienheiq yaep ndeu nit yaep ndeu raeuj, daeglwg haemh ninz gyaез dik denz, mbouj siujsim couh deng dwgliengz lo, youh ae youh raengh mug. Daeglwg lij iq, mbouj caengz roxyiuj baenzlawz saengq mug, ndigah gyanghwnz cungj aenvih aen congndaeug sup heiq mbouj hwnj, daejngenge mbouj dingz. Dahliz banhaemh cungj mbouj ndaej ninz ndei, gvaq yaep ndeu couh aeu hwnqdaeu, mbouj dwg yaeh daeglwg, couhdwg yawj denz daeglwg hoemq ndei caengz. Yienghneix gvaq ndaej geij ngoenz, bingh daeglwg ngamq miz di ndei, Dahliz cix mbouj cwxcaih lo. Hoz de bienq ndaej youh sauз youh humz, aiq dwg geij ngoenz neix sinhoj lai, ndangdaej deng binghdoeg ciemqhaeuз lo. Dahliz lau binghdoeg baez daihngaih cienzlah hawj daeglwg, ndigah ngoenz daengz haemh de cungj daenj aen goujcou ndeu.



Dahliz moix ngoenz cungj aeu gwn cibgeij cenj raemx, mbouj gwn yw. Hoeng, hoz de cix yied daeuз yied in, seizneix vah hix gangj mbouj ok geijlai lo. Vunz ndawranz gienq Dahliz gwn di yw dwgliengz, de mbouj nyienh, naeuz gwn yw dwgliengz yungzheih ngah ninz, danghnaeuz gyanghwnz daeglwg dik denz roxnaeuz youh fatndat moq, swheij cix singj mbouj gvaqdaeuз couh mazfanz lo. Mbouj miz banhfap, vunz ndawranz cijndei heuh Dahliz lai gwn di raemx.

Ginggvaq Dahliz yunghsim ciuq-goq, daeglwg de dauqdaej mbouj ae lo, cij lij miz di raengh mug. Ngoenzneix banhaemh, bouxgvan Dahliz aenvih

hong guh mbouj caengz sat, youq gunghsw h gyaban, Dahliz roengzban dauq ranz, buenx daeglwg gwn haeuxcaeuz le, song mehlwg couh youq ndaw rug mwngz coenz gou coenz gangj hwnj gojsaeh. Cingq gangj ndaej angqvauvau seiz, Dahliz fat-yienh saeknaj daeglwg mbouj caeuз baez naengz miz di mbouj doxdoengz, dinfwngz hix gyoetgat, de gipmuengz aeu cenj raemx daeuз hawj daeglwg gwn, lij bang daeglwg lai daenj geu buh ndeu dem. Hoeng, cingzgvang daeglwg cix yied daeuз yied ca, daengz gouз diemjung seiz, naengnoh daeg-lwg bienq ndaej hoengzfwgfwg, Dahliz lumhlumh najbyak daeglwg, gaeng ndatfofo, aenvih fatndat, lwgda

daeglwg hix byaengq mbouj hai lo.

Dahliz ukgyaeuз yiengjung' ung, maz siengjap hix mbouj miz, umj hwnj daeglwg daj 8 laeuz buet roengzbae, gaemz heiq ndeu buet daengz laj laeuz, hix mbouj yietnaiq, youh laebdaeb buet 200 lai mij, buet daengz bak gexhongh vad fwngz heuh dingz gyaq cuzcuhceh ndeu. Itloh Dahliz umj daeglwg cungj mbouj langh fwngz, cuzcuhceh ngamq dingz youq naj dou yihyen, de vit 50 maenz ngaenz hawj bouxhaici couh umj daeglwg roengz ci, buet haeuз ndaw yihyen bae. Caj bouxcanghyw genjcaz sat bang daeglwg dajcim, Dahliz cij daengx roengzdaeuз, naengh youq gwnz daengq, nanznanz ndwn mbouj hwnjdaeuз.

Ngoenzdaihngaih Dahliz hwnq mbonq seiz, hwet in raixcaix, iet hix iet mbouj ndaej, lij roxnynih geizheih, sijsaeq ngeixngeix, cij mingzbeг dwg haemhlwenz umj daeglwg buet ndaej dwgrengz lai, deng sieng daengz hwet lo.

Lajmbwn bohme h aiq cungj doxdoengz bw, aen sim ndeu cungj cij rox vih lwg ndei, ciuqgoq lwg daenj ndei gwn ndei, miz saek seiz hix mbouj geiq ndaej swheij hix aeu haeujsim ciengx ndang. Muengh caezgya wng ndaejgeiq faenh cingz bohme h, hauqswnh gyoengqde.

(sat)

Cek Gwn 挑 吃

□ Mungz Ningz / 蒙宁

Ranz miz lwgnyez caen lumj vuengzdaeq, daengx ranz vunz cungj ndaej cungh de.

Ngoenzciет, lox lwgnyez gwn, dwg gienh saeh hawj vunzlaux gyaeuз in.

Daxbuz gyaез lwgnyez lai, rex gouh dawh hwnj, yaengx coh ndaw deb noh gaeq bae, vix diuz gagaеq, doiq lwgnyez naeuz: "Lan ndei, aeu gaiq neix ba, diuz gagaеq noh lai! Ndei gwn baenzmaz bae!" Lwgnyez bibi gyaeuз, mbouj aeu.

Daxgoeng raen lwgnyez mbouj aeu, da cez daxbuz baez ndeu, swnj vah naeuz: "Mwngz rox maz, gyoengq lwgnyez seizneix, byawz lij gyaез gwn gagaеq ne. Lijdwg gou daeuз bang de nip ba."

Daxgoeng yo gouh dawh hwnj-daeuз, yaengx coh ndaw deb noh gaeq bae, vix gaiq nohfwd, doiq lwgnyez naeuz: "Lan ndei, aeu gaiq neix ba, noh fwdgaеq soiқ, mbouj geng, bak geux ndaej hom bw!"

Lwgnyez mbeuз gyaeuз baihhenz bae, yawj hix mbouj yawj daxgoeng.

Daxmeh youq henz raen hawj daeglwg gaiq neix de mbouj maij, hawj gaiq haenx youh cumh, hix simgip lo. Baeз siengj daengz daeglwg aiq siengj gwn dawgaeq ba. Couh rex dawh hawjdaeuз, yaengx coh ndaw deb noh gaeq bae, vix gaiq dawgaeq, doiq daeglwg naeuz: "Gaiq neix lw? Bingz-ciengz mwngz ceiq gyaез gwn lo."

Daeglwg da caengz daxmeh, mbouj ok sing.

Daxboh raen daengz seizneix daeglwg gaiq noh he caengz gwn hix simgip lo. Haenq coenz vah ndeu okdaeuз: "Gaej dam de, siengj gwn maz, gag aeu, gaej baenzneix guh, loengh ndaej vunz daengx daiz cungj gwn mbouj onj."

Daeglwg baeз nyi daxboh baenz-neix haenq naeuz, bak baeз cumh, couh daejnganga hwnjdaeuз. Daengx ranz vunz cungj ngaenzngwdngwd, mbouj rox baenzlawz guh cijndei.

Daeglwg baeз daej, dauq hawj gou siengj hwnj gij saeh seiz gou lij iq.

Gou okseng youq 60 nienzdaih, seizhaenx ndwenngoenz cingqngamj gvaq ndaej gig gungzhoj, gwn ndaej dungx imq lijdwg aen vwndiz hung ndeu, engq mbouj yungh gangj ndaej gwn noh lo. Hopbi ndaej gwn saek baeз noh, dwg daihsaengq lo. Ceiq hawj gou nanz lumz dwg gienh saeh "caj gwn noh".

Saehcingz dwg yienghneix, hopbi cawz ndwencieng ndaej gwn noh imq, bingzseiz lij miz cungj cingzgvang ndeu hix miz di noh gwn, couhdwg ndaw mbanj miz vunz guh hong daih. Ngoenz guh hong daih, ranz bouxcawj cungj yaek gaj bit gaeq roxnaeuz cawx noh daeuз dak boux guh hong. Guh baenzngoenz hong le, banhaemh gwn haeux seiz, boux guh hong ndaej gwn



Loekraemx benz dab baenqlulu.

geij gaiq noh.

Hoeng gyoengqde dwgrengz baenzngoenz, cix mbouj sij ndaej gwn noh, ceiq lai dwg gwn saek gaiq guhyienh, couh gwn byaekheu roxnaeuz duh ceuj soengq laeuз. Faen ndaej geij gaiq noh haenx, ce roengzdaeuз, caj daengz gwn imq le, gak boux gag ra diuz faex iq roix noh, roxnaeuz mbaw rong heu ndeu duk noh dawz ma ranz hawj gyoengq lwg gwn.

Bohme bae bang vunz guh hong haemhhaenx, hix dwg haemh lwgnyez ninz mbouj ndaek. Dou cungj rox, danghnaeuz baeз ninzndaek, bohme h ndaej noh ma, dingh deng beixnuengx gwn gaiq ndei bae. Yienznaeuz haetlaeng hwnqdaeuз hix ndaej gwn di, hoeng, ndawsim couh mbouj miz faenh nauhyied gyoengq beixnuengx bae doxceng gwn noh. Nyengh caj

daengz bohme h gwn haeux ma, ndaej gwn gaiq noh lo, cij hwnj congз bae ninz, ninzndaek fofo, dauqdaej ndaej gwn baeз noh lo.

Ai, caen siengj mbouj daengz, sevei fazcanj vaiq baenzneix. Seizneix, gyoengqvunz fouqmiz lo, gijgwn laicuk lo, siengj gwn maz ndaej gwn maz. Neix yienzbonj dwg swnghhoz daez-sang, dwg cungj yiengjsouh ndeu. Hoeng, daj daengx ranz vunz lox lwgnyez gwn noh yawj daeuз, dauq hawj gou ndawsim miz di youswdswd.

Seizneix vuzciz laicuk lo, dangh-naeuz raeuz aenvih fouqmiz, couh caih gyoengq lwgnyez euqsingq, gou lau gvaq mbouj geij nanz, gij conzdungj binjdwz hauqswnh caeuз mbaet gwn mbaet yungh couh swnj mbouj roengzbae lo. Doeklaeng, raeuz siengj caiq ra gijhaenx dauq, caen dwg hoj lumj bin coh gwnzmbwn bae nei.